

Pagsasanay sa Filipino

© 2013 Pia Noche, www.samutsamot.wordpress.com

Pangalan _____ Petsa _____ Marka _____
20

Ayos ng pangungusap

Panuto: Salungguhitan ang buong paksa o simuno ng bawat pangungusap. Pagkatapos, isulat sa patlang ang titik **K** kung ang ayos ng pangungusap ay *karaniwan* o *tuwid*. Isulat ang mga titik **DK** kung ang ayos ng pangungusap ay *di-karaniwan* o *kabalikan*.

- _____ 1. Itatayo sa lupaing ito ang bagong paaralan.
- _____ 2. Ang bawat aksyon ay may katapat na konsekwensiya.
- _____ 3. Binubuo ng malalaki at maliliit na pulo ang bansang Pilipinas.
- _____ 4. Ang pangarap ng Mang Tony ay makatayo ng sarili niyang talyer.
- _____ 5. Si Vilma ay nakaipon na ng sapat na pera para sa kanyang bagong negosyo.
- _____ 6. Nais magbakasyon sa Boracay ang mga bagong dating na turista.
- _____ 7. Ang mga kumot ay donasyon ng mga mag-aaral para sa mga bata sa ampunan.
- _____ 8. Pinagtitiwalaan ang taong laging matapat sa kanyang kapwa.
- _____ 9. Ang magkapatid ay matiyagang nag-aaral para sa kanilang pagsusulit.
- _____ 10. Dapat may disiplina ang mga nagmamaneho ng mga pampublikong sasakyan.
- _____ 11. Ang kagandahan ng isang tao ay nakikita sa kanyang mga salita at kilos.
- _____ 12. Sina Grace at Henry ay napiling maging mga kinatawan ng ating paaralan.
- _____ 13. Nag-eensayo araw-araw ang mga estudyanteng magtatanghal sa programa.
- _____ 14. Ang matandang babae ay nagpasalamat sa binatang tumulong sa kanya.
- _____ 15. Ang bagong guro natin ay naghanda ng magandang leksiyon.
- _____ 16. Humingi ng paumanhin ang batang nag-agaw ng laruan ni Beth.
- _____ 17. Agad na natuklasan ang katotohanan tungkol sa naganap na kaguluhan.
- _____ 18. Ako ay magboboluntaryo para maging bantay sa darating na halalan.
- _____ 19. Tuwing Miyerkules at Linggo lang kinukuha ang basura sa subdibisyon.
- _____ 20. Matatalino at masisipag ang mga bagong empleyado ng opisina.